

CONVENIO DE COLABORACION ENTRE O INSTITUTO ENERXÉTICO DE GALICIA (INEGA) E O INSTITUTO TECNOLÓGICO DE GALICIA (ITG), PARA A ELABORACIÓN DA DOCUMENTACIÓN TÉCNICA NECESARIA PARA LEVAR A CABO A DEFINIÇÃO E O DESEÑO DO PROXECTO DO ECOBARRIO DE ELVIÑA EN A CORUÑA.

En Santiago de Compostela, 5 de agosto de 2019

REUNIDOS

Dunha parte, [REDACTED] en nome e representación do Instituto Enerxético de Galicia en adiante Inega, con domicilio na rúa Avelino Pousa Antelo, nº 5 (15703 Santiago de Compostela) e na súa calidade de director deste, cargo para o que foi nomeado polo Decreto 235/2012, do 5 de decembro, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Doutra parte, [REDACTED] en nome e representación do Instituto Tecnológico de Galicia en adiante ITG, con domicilio no Cantón Grande 9, terceira planta, 15003 A Coruña e na súa calidade de Director Xeral, coas facultades que lle confire a escritura de poder autorizada polo Notario de A Coruña, [REDACTED] con número 53 do seu protocolo, na data 16 de xaneiro de 2015”.

As partes, recoñécense mutuamente, na representación que ostentan, suficiente capacidade legal para a formalización do presente Convenio de Colaboración,

EXPOÑEN

Primeiro.- Que o Estatuto de Autonomía de Galicia atribúe á Comunidade Autónoma a competencia en materia enerxética segundo o disposto no seu artigo 28.3. O Inega é unha axencia pública cuxo obxecto é a execución da política autonómica en materia de enerxía e entre os seus fins figuran “o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos noutros campos sinérxicos, de acordo coas directrices do goberno no ámbito das súas competencias”.

Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

Segundo.- ITG é unha Fundación de carácter privado e sen ánimo de lucro de Interese Galego. Tendo como fin primordial e sobre todo en Galicia, o de contribuír eficazmente ao progreso tecnolóxico en todas as súas manifestacións e á xeración de coñecemento tecnolóxico e á súa aplicación para o desenvolvemento e fortalecemento da capacidade produtiva das empresas, profesionais e organizacións, abarcando de modo non limitativo, as actividades correspondentes a investigación, a formación de técnicos, a colaboración ca Administración Pública en materia tecnolóxica, o desenvolvemento da tecnoloxía, a divulgación dos avances tecnolóxicos, a prestación de servizos a Administración Pública, así como aos sectores privados da industria, o comercio e os servizos e, en xeral, a súa participación con organismos públicos ou privados, nacionais e internacionais, docentes ou mercantís, en todo o referente ao estudo, a investigación ou aplicación da tecnoloxía e a súa regulación, así como a realización de todas aquelas outras actividades que estean relacionadas ou sexan necesarias ou convintes para a consecución dos fins fundacionais.

Terceiro.- Que as entidades asinantes, están interesadas en colaborar na elaboración da documentación técnica necesaria para levar a cabo a definición e o deseño necesarios para a execución do proxecto do Ecobarrio de Elviña na Concello de A Coruña, dito proxecto comprende diversas liñas de actuación en materia de eficiencia enerxética e sostenibilidade ambiental a levar a cabo no barrio de Elviña na Concello de A Coruña.

CLÁUSULAS

Primeira.- ALCANCE

A actividade conveniada comprende a realización dos traballos de elaboración da documentación técnica necesaria para levar a cabo as licitacións do proxecto do Ecobarrio de Elviña no Concello de A Coruña, no que se pretende a realización dun proxecto integral relacionado ca eficiencia enerxética, un maior uso e aproveitamento de fontes de enerxías renovables, a redución do consumo de auga nos edificios e a descarbonización a nivel de barrio, que supoña unha drástica redución das emisións de gases de efecto invernadoiro xeradas pola actividade propia do barrio así como a creación e mellora de espazos para a circulación e convivencia.

O alcance das actuacións que se pretenden son o resultado do anteproxecto elaborado en decembro de 2018 polo Instituto Tecnológico de Galicia (ITG).

Segunda.- OBXECTO

O presente convenio ten por obxecto a elaboración dos traballos seguintes:

Anualidade 2019:

- **District heating**
 - Auditorías enerxéticas orientadas á previsión do consumo térmico de DH de 23 edificios públicos e de 15 edificios residenciais.
 - Estudo de detalle dos requirimentos dos edificios privados e públicos do barrio para a súa conexión ao DH.
 - Dimensionamento do sistema, localización da central e especificación do trazado
 - Elaboración de pregos técnicos tendo en conta un modelo ESE
- **Instalacións solares fotovoltaicas**
 - Visita a centros e recompilación de información necesaria (Curva de carga, estado da cuberta, sombras...)
 - Estudo de implantación de instalacións fotovoltaicas de autoconsumo.
 - Elaboración de pregos técnicos tendo en conta un modelo ESE.
- **Iluminación pública**
 - Traballos de campo para a realización dunha auditoría de iluminación pública exterior do barrio. Incluindo puntos de luz e centros de mando (inventariado, medicións lumínicas e medición de consumos enerxéticos).
 - Auditoría de iluminación pública.
 - Elaboración de pregos técnicos tendo en conta un modelo ESE.

Anualidade 2020:

- **Iluminación interior edificios públicos**
 - Traballos de campo para a realización dunha auditoría de iluminación en 13 edificios públicos (inventariado, medicións lumínicas e medición de consumos enerxéticos).
 - Auditorías de iluminación dos edificios.
 - Elaboración de pregos técnicos tendo en conta un modelo ESE.
- **Espazo público**
 - Definición das actuacións vinculadas á creación e mellora de espazos para a circulación e convivencia.
 - Estudo para a implantación de arbores como pantalla, o fortalecemento da conectividade ecolóxica e das actuacións singulares.
 - Elaboración dun plan director de actuacións no espazo público.
- **Rehabilitación de envolventes en edificios públicos**
 - Auditorías enerxéticas orientadas á previsión do consumo térmico e caracterización da envolvente en 13 edificios públicos.

- Elaboración de pregos técnicos tendo en conta un modelo ESE.
- **Rehabilitación de envolventes en edificios residenciales**
 - Auditorías enerxéticas orientadas á previsión do consumo térmico e caracterización de 10 edificios residenciais.
 - Análise de solucións máis adecuadas para a rehabilitación de envolventes nos edificios do barrio.
- **Fachadas e cubertas verdes**
 - Análise de fachadas e cubertas de 3 edificios públicos.
 - Estudo das solucións máis adecuadas.
 - Elaboración de pregos técnicos.
- **Mobilidade sostible**
 - Estudo sobre mobilidade eléctrica (puntos de recarga, transporte público eléctrico, vehículos policiais).
 - Elaboración de pregos técnicos.
- **Aforro de auga en edificios públicos**
 - Visita a centros para a realización dun análise da situación actual (inventariado de equipamento, medición de consumo, reparto de caudais).
 - Estudo das solucións máis adecuadas para a redución do consumo de auga nos edificios.
 - Elaboración de pregos técnicos.
- **Smart green IoT**
 - Definición de requirimentos de plataforma virtual e sistemas de monitoraxe.
- **Certificado Bream**
 - Estudo do alcance da avaliación e a definición do marco de referencia aplicable ao proxecto.
 - Estudo da actuación por fases.
 - Emisión de certificado, no seu caso.

Terceira.- APORTACIÓNS DAS PARTES

Correspóndelle ao Instituto Tecnológico de Galicia (ITG):

A realización de toda a documentación técnica para dar cumprimento o obxecto do convenio.

Correspóndelle ao Inega :

Achegar o Instituto Tecnológico de Galicia (ITG) a cantidade de trescentos mil euros (300.000,00 €) (IVE incluído) como compensación polos gastos que lle ocasiona a esta a realización do obxecto do convenio.

A dita cantidade supón o 60 % do custo total da actividade obxecto do convenio (500.000,00 €), actividade que non lle supoñen ningún lucro á entidade Instituto Tecnológico de Galicia (ITG), pola súa condición de Fundación de carácter privado sen ánimo de lucro, que ten como misión a colaboración ca Administración Pública en materia tecnolóxica, o desenvolvemento da tecnoloxía, a divulgación dos avances tecnolóxicos, a prestación de servizos a Administración Pública.

O Inega asumirá tamén as tarefas de coordinación/organización das reunións, asembleas, etc., cos distintos titulares dos edificios e infraestruturas sobre as que se desenvolverá o proxecto, así como xestionar o acceso as instalacións de titularidade autonómica, para poder dispoñer de toda a información que se precise e facilitar os datos dos que dispoña das mesmas (planos, consumos de enerxía, etc.), para a elaboración da documentación obxecto deste convenio.

Cuarta.- ORZAMENTO-FINANCIACIÓN

O Inega aportará trescentos mil euros (300.000,00 €) (IVE incluído), existindo dispoñibilidade orzamentaria na aplicación 09 A2 733A 641.6 código proxecto 201600010, dos orzamentos do Inega para os anos 2019 e 2020, ca seguinte distribución por anualidades:

Anualidade 2019	164.000,00 €
Anualidade 2020	136.000,00 €
TOTAL	300.000,00 €

Quinta.- XUSTIFICACIÓN DO PAGAMENTO

O Inega, aboará a contía fixada na cláusula cuarta, contra presentación por parte do Instituto Tecnológico de Galicia (ITG) da factura correspondente, certificacións de estar ao día no pagamento coa AEAT, a Seguridade Social e Facenda autonómica (ATRIGA), e trala conformidade o Inega do cumprimento das obrigas, do seguinte xeito:

Anualidade 2019:

1. Unha primeira achega de 74.000 € (IVE incluído), unha vez executado o 25% do obxecto do convenio, previa xustificación das actuacións realizadas e a súa comprobación polo persoal do Inega.
2. Unha segunda achega de 90.000 € (IVE incluído), unha vez executado o 55% do obxecto do convenio, previa xustificación das actuacións realizadas e a súa comprobación polo persoal do Inega.

Anualidade 2020:

1. Unha primeira achega de 61.000 € (IVE incluído), unha vez executado o 75% do obxecto do convenio, previa xustificación das actuacións realizadas e a súa comprobación polo persoal do Inega.

2. Unha segunda achega de 75.000 € (IVE incluído), unha vez executado o 100% do obxecto do convenio, previa xustificación das actuacións realizadas e a súa comprobación polo persoal do Inega.

Para a xustificación das actuacións realizadas en cada unha das achegas presentárase o seguinte:

- Un exemplar en soporte dixital, deberánse entregar todos os documentos, nun formato que poida ser facilmente modificable por parte do Inega (exemplo: documentos de texto en formato “.doc “ ou similar, follas de cálculo en formato “.xls” ou similar, planos en formato “.dwg”, “.shp” ou similar, ...).
- Un certificado asinado pola persoa responsable onde se exprese que por parte da entidade ITG se realizou/executou a parte correspondente a cada achega.

A factura expedirase a nome do Instituto Enerxético de Galicia (Inega) (NIF: Q1500256A), e presentárase, preferentemente, en formato electrónico a través do sistema electrónico de facturación da Xunta de Galicia regulado na Orde do 26 de febreiro de 2015 pola que se regulan o Punto xeral de entrada de facturas electrónicas e o Rexistro Contable de Facturas da Comunidade Autónoma de Galicia (DOG nº 50, do 13/03/2015). O acceso ao sistema de facturación electrónica e á información sobre él realizarase a través das seguintes URL: <http://conselleriadefacenda.es/factura> ou <http://www.conselleriadefacenda.es/sicon/>.

En todo caso, o Inega resérvase o dereito de solicitar toda a documentación que se considere precisa en relación coa realización das actuacións obxecto do convenio e calquera outra que considere oportuna para a correcta xustificación do gasto e do seu pagamento.

Sesta.- COMISIÓN DE SEGUIMIENTO

Para os efectos de coordinación, información e seguimento a que desen lugar as actuacións proxectadas, así como tamén para a interpretación e resolución de controversias que se puideran producir en base a este convenio, constituirase unha Comisión de Seguimento, cun representante designado por cada unha das partes asinantes.

Esta Comisión reunirase as veces que sexa preciso, sen datas definidas, ata a finalización do convenio.

Sétima.- INEXISTENCIA DE RELACIÓN LABORAL



A subscrición deste convenio non supón ningunha relación laboral contractual ou de calquera outro tipo entre os profesionais do Instituto Tecnológico de Galicia (ITG) que vaian a desenvolver as actividades e o Inega, de tal xeito que non se lle pode esixir á entidade pública ningunha responsabilidade polos actos ou feitos acontecidos no seu desenvolvemento.

Oitava.- PROPIEDAD INTELECTUAL E MATERIAL

A propiedade da documentación e información obtida como consecuencia do desenvolvemento das cláusulas que rexen este convenio, será de titularidade compartida entre o Inega e o Instituto Tecnológico de Galicia (ITG), e ningunha das partes poderá difundir, divulgar ou publicar a dita documentación e información sen consentimento expreso das outras partes.

A propiedade e utilización científica dos datos e dos resultados finais da investigación serán exercidas conxuntamente polos asinantes, que se comprometen a intercambiar o material científico e os coñecementos obtidos así como a publicar conxuntamente os resultados.

A información obtida como consecuencias das actuacións obxecto do presente convenio poderá ser utilizada polas partes, as cales se comprometen a non cedela a terceiros, ao rigoroso respecto á normativa de protección de datos e a non utilizala con fins comerciais.

Novena.- VIXENCIA

A vixencia do Convenio será desde a súa sinatura e ata o 15/09/2020, sen posibilidade de prórroga.

Décima.- RESOLUCION DO CONVENIO

O presente convenio poderá ser resolto,

- a) Por acordo mutuo das partes.
- b) Imposibilidade sobrevida de cumprir o obxecto do Convenio.
- c) Incumprimento por algunha das partes do disposto nas cláusulas do mesmo

Décimo primeira. PROTECCIÓN DE DATOS

As partes están obrigadas a cumprir co Regulamento (UE) 2016/679 do Parlamento Europeo e do Consello, do 27 de abril de 2016, relativo a protección das persoas físicas, no que respecta ao tratamento de datos persoais e a libre circulación de estes datos e polo que se derroga a Directiva 95/46/CE (Regulamento xeral de protección de datos, DOUE del 4 de maio).

A tal efecto as partes comprométense a non utilizar tales datos de carácter persoal con finalidade distinta á da execución do presente acordo, a non cedelos nin comunicalos baixo ningún concepto a terceiras persoas nin para a súa conservación, e en especial a non reproducir, publicar ou difundir ningunha información acerca deles.



Cada parte responderá dos incumprimentos da normativa de protección de datos de carácter persoal nos que incorra.

Os titulares dos datos poderán exercer os dereitos de acceso, rectificación, cancelación e oposición, dirixíndose por escrito ao Instituto Enerxético de Galicia, con enderezo na rúa Avelino Pousa Antelo, 5 CP 15707, Santiago de Compostela, A Coruña.

Cando o cumprimento do obxecto do presente convenio de colaboración, faga necesario que as partes se comuniquen datos de carácter persoal de terceiros, aquelas deberán obter previamente o consentimento do interesado.

Décimo segunda.- PUBLICIDADE

En canto á publicidade, procederase de conformidade co mandato da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.

En virtude do disposto no parágrafo anterior o Instituto Tecnológico de Galicia (ITG) consente expresamente a inclusión e publicidade no devandito rexistro dos datos relevantes referidos ao convenio.

Décimo terceira.- NATURALEZA E RÉXIME XURÍDICO.

O presente convenio ten natureza administrativa, quedando fora do ámbito de aplicación da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

O presente convenio rexerá polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de abril de 1991, sobre convenios de colaboración con outros entes públicos e con particulares; polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno.

En proba de conformidade, asinase polas partes, por triplicado exemplar, no lugar e data indicados no encabezamento.

O Director do Inega,

O Director Xeral do ITG,
